

平定州志

輿地
疆域
都村

沿革
山川

二卷

平定州志卷二

輿地志

州县沿革不同，有省小并大，有割彼隶此，自汉唐迄于元明，其分合徙置纷纷矣。

古称山川丘陵谓之地险，如承天、盘石、苇泽、白马、榆枣，皆历代行师要冲形势之地，昔之人尝屯重兵，设烽燧以守之。今遗垒仅存，或罕知其处，岂古今时势变迁不可执一欤！幸际升平之世，村闾相望，犬吠不惊；至于未雨绸缪，思为万年巩固之基，固在此而不在彼焉。

平定州志

輿地 沿革

凡四门：

沿革

疆域

山川

附水利

都村

附市集

沿革

天下大势，古今不同。禹贡九州，规模略定，即如今之省会也，而分国则未详。春秋分国大小不一，即如今之郡县也，而封建则不易。至秦变封建为郡县，其后天下分合无常，郡县亦迁移莫定。考古证今，则沿革不可不志也。

平定当置三十六郡时为上艾邑，隶太原。后此或为县或为军或为州，离析磔裂，枚不可举。

国朝雍正二年，始升为直隶州，而以乐平、孟县、寿阳隶焉。于是隐隐展为晋东冲要一郡矣。莅斯土者，考古之旧迹，布今之新猷，当必有因时以制宜者。

州

禹贡冀州之域。

周叔虞封于唐，为唐东境，后改为晋。战国时三卿分晋，属赵。

秦属太原郡。

汉上艾县属太原郡。

平定州志

輿地沿革

一一

东汉属常山国。

晋属乐平郡析置乐平县。

北魏更名石艾，真君九年罢，孝昌六年复

明一统志为西阳郡。

隋开皇初，郡废，属辽州；大业中割属并州

太原郡，后属受州。

唐畿县，武德三年属辽州，六年属受州；贞

观八年州废，属太原府；天宝元年更名广阳，五

代因之。

宋太祖征河东首下之，置平定军，属镇州。

太平兴国二年，以镇州广阳寨建平定军；四年改广阳县为平定县，徙今治属平定军。

金大定二年陞州为太原支郡，领平定，乐平二县；元属太原路，至元二年省倚郭，平定，乐平二县入州，七年复置乐平县。按旧志，初开帅府统皋、和、辽、仪、威、孟、邢、晋等处，至元二年乃分辽、仪、和入平阳，威入广平，孟隶太原，邢入顺德。

明属太原府，领乐平县，国朝因之。雍正二年升平定州为直隶州，析太原府，孟县寿阳与乐

平定州志

輿地沿革

三

平同隶焉。嘉庆元年乐平又省为乡，裁县缺移本州，州判驻焉。

乐平乡

周并州。

春秋东山皋落氏。

秦属上党郡。

汉沾县属上党郡。

晋乐平郡，太始中置领沾、上艾、寿阳、轸

阳，乐平五县。

北魏领轸阳，乐平，石艾三县，真君九年治

太原，孝昌二年复治沾。

隋开皇初郡废，十六年置辽州及东山县，大业初废，仍置乐平县，属太原府。

唐畿县，武德三年于县置辽州，六年徙辽州治冀州，以乐平属受州，州废属太原郡。

宋中县，乾德元年改为平晋军，寻废复为乐平县。

金升为皋州，寻废以县属平定州。

元倚郭，至元二年省为乡，入平定州，立巡检司，七年复为县。

平定州志

輿地沿革

四

明属太原府平定州。国朝因之。嘉庆元年省为乡。

疆域

疆域分而形势自见。以一省言，平定为山西东偏，固关自昔称为天险，一省之形势也。以一州言，南连上党，北亘恒山，西达汾晋，其险不减固关，一州之形势也。计其幅员轮广，有古者三千乘之国。若去山泽，仅三之一焉。所由与他州异与

固关今作故。

州

州治在京西南八百七十里，省东南二百七十里。

总境

东西广二百七十五里，南北袤二百九十五里。东至直隶正定府井陘县界一百里，南至辽州，和顺县界八十五里，西至太原府榆次县界一百七十五里，北至代州五台县界二百一十里。东南到直隶正定府赞皇县界一百八十里，西南到太原府榆次县界九十五里，西北到太原府阳曲县界二百一十里，东北到直隶正定府平山县界二百三十里。

平定州志



輿地 疆域

五

州境

东西广一百六十里，南北袤九十五里。东至直隶正定府井陘县界一百里，南至乐平乡界三十五里，西至寿阳县界六十里，北至盂县界六十里。

形势

东达王畿，西通秦陇，南连上党，北亘恒山；石楼壮其襟，桃江绕其背；左依固关之天

险，右毓嘉山之地灵，巍然并州上游也。

乐平乡

乡治在省东南三百二十里，州南五十里。

东西广二百六十里，南北袤七十里。

东至直隶正定府赞皇县界一百二十里，南至辽州和顺县界四十五里，西至寿阳县界一百一十里，北至州界二十五里，东南到直隶顺德府邢台县界一百里，西南到辽州和顺县界五十五里，西北到州界二十里，东北到州界二十四里。

形势

輿地 疆域

六

平定州志

诸山环峙，众水合流，北控榆关，南通辽沁，东临邢赵，西接晋汾，冀镇之东隅，太行之中境也。

山川

附水利

太行起蒲州雷首，由东北蜿蜒而上，直达幽燕之境，解、泽、潞、沁、辽、平皆在山之西，而平定于诸州为东北，于太原为东。自黄沙岭西，大者为华庵、白岩、皋落、蒙山。又西南与松子岭诸山接，为辽平二州分界，北为乐平之

治。自娘子关西，大者为绵山、承天、盘石、龙头。又西北与孟诸山接，南为平定之治。自黄茆西，大者为马鞍、石城、藏山。又西北与五台诸山接，东南为孟之治，寿阳首方山北，自孟来西南如罕山，紫岩与太原分界而治在其东南。

太行既西出，故平定，广阳之水西流。乐平之洞涡西南流。清漳自南而东。孟之牧马，龙花北流。寿阳之曹河，莠榆西流。惟滹沱自定襄入孟东流。平定桃水始寿阳东北，下受孟东南之水，又下受本境东南之水，又下受乐平西北之

平定州志

輿地 山川

七

水，入泽发东流。其西流者皆入洞涡，东南流者入漳，东流者入滹沱。西北流者，也入滹沱。

平定，山皆石；乐平，孟石强半；寿阳皆土。水大者行两山间，小者盈涸无常，均不利灌溉。至其诡状殊形，支分派别，可得而具详也。

按旧志山川考核详明，惟序列处东西南北未以类从，今按类分，且将所遗者续查补入，令阅者方隅不混，挂漏无讥。

州

大陵山

在州东五里，林木森森，参天蔽日，亦名大林。明，洪武二年，州移建文庙，多取材于此。

懒云坞

在州东八里王家庄西南，由不温溪而入，数十步，涧水中流，泉之南，聚石为啸台，台上建高尚龛，内奉晋遗贤五柳先生，高僧慧远，仙人陆静修，左右以

梁昭明太子，宋东坡居士从祀焉。康熙三十九年建，曾尚增高尚龛诗，五柳先生陆静修，远公合与共千秋，堂堂坡老风流远，犹傍昭明文选楼。

试剑峰

在州东二十里，相传韩信下井陘时试剑于此，上有淮阴侯庙，曾高增诗：钟室千年恨有余，无双国土竟何如，犹怜秦赵纷纷起，八垒坡前试剑初。

金牛山

在州东三十里石门口山麓，有长国寺，山顶括树成林，崖石上有北齐李清言碑。

青龙山

在州东四十里桥头村，上有藏山大王祠，有苗蕃碑记。

不浮山

在州东四十里连庄村北，壁立千仞，洪崖中有字迹，色如丹砂，皆龙章凤篆，不可辨识。

锦牕崖

在州东四十里岩会村，青峰突兀，西当桃水之冲，村中田地赖此危崖，永无水患。

凤凰山

在州东四十里岩会村，壁立数百丈，两峰侧出如双翼，山半有文昌祠，嘉庆初年村人建修。

资福崖

在州东四十里盘石村，云雾绕峰生成奇观，岩腰天成石龕，深阔幽僻，尝有青玩蟠屈旋绕却无毒，岁时祀之，祷祈颇灵，宋绍圣四年建释迦佛像，金大定十八年，元至正十二年，明嘉靖三十九年，万历二十年，屡次补修，知州王进录，举人李源皆纪之。

关峪口

在州东上下盘石村交界，崎岷险隘，相传齐后钟无盐下关西常经此地，见蝎精伤人，用神术以除其害，因立弥勒佛像以镇之，至齐武平四年复凿石龕，明万历四十年又新建桥阁，通道路，至今称「要隘」焉，国朝乾隆，咸丰间皆戍兵于此。

平定州志

輿地

山川

八

仙人碛

在州东五十里，由盘石村南涧入，山岩外覆傍有水，涓滴似乳，名乳泉，曲磴径上，仙桥险绝，相传仙人修炼于此，仙蜕犹存，乔宇诗：绝涧山桥第一碛，两岸峰

势突高空，云根塞洞稀人迹，石窍通天诧鬼工，一注幽泉鸣淅沥，九华灵树郁青葱，山多胜迹多如许，可是登临一老翁，白七麟诗：怪石嶙峋百草遮，层峦叠巖兴偏赊，遥瞻曙色千峰晓，坐看

仙踪一径斜，镇日红尘飞远岸，隔林青霭映流霞，投闲却恨归来晚，此地饶堪乐岁华。

曾尚增乳泉诗：盘石村南一涧幽，泉声淅沥涧中流，仙人一去归无日，何处瑶池十二楼。

金龙山

在州东五十里柏井驿，上有明灵大王祠。

八叠坂

在州东柏井东二里许，险峻可守，淮阴于柏井筑寨以此。

分水岭

在柏井东即八叠坂之岭，名「西天门」，土人又名「门限岭」，高冈险要，绵亘南北，岭东即甘桃河源，东流至旧关入井陘县冶水，岭西即柏井河源，过翠蛟潭至石

门口合阳胜水入桃水。

石川会

在柏井驿西里许，两山陡峻，青玉峡在其间，为东西冲道，每逢夏雨，山水暴涨，行人难避，光緒七年藩宪绍公诚赴晋经此，体察情形，捐廉委知州张彬开修避水歧

路七道，上造避雨石窑七座，工竣，隶体亲书石刻「避险藏身」云云。

镜山 在州东柏井驿西北，由小涧崎岖入三里许，四山环绕，天隙圆光似镜，故名。

广林山 在州东六十五里柏木井村，树林茂密，荒冢累累，中有古墓，俗传唐代李淳风埋骨处，墓前二塔皆倾圮。

九龙山 在州东固驿铺村，幽深缭绕蜿蜒如龙形，故名。山腰有藏山祠，祀赵文子，又有显圣大王祠，祀颢考叔。祠前松柏参天，皆数千年物也。有古碑多剥落，时代姓名俱不可辨。

故关山 在州东九十里，即古井隘口，延志两山险隘，关居其中，盖晋之咽喉。

右，州东之山。

黑砂岭 在州西五里，岭脊有凭虚阁，一名南天门，半岭有胜水寺，岭畔胜水出焉。

青龙冈 在州西六里，嘉山之左支，山下多泉，即嘉水之源也。上有狐突庙，又有龙王庙，遇旱祷雨灵应。

嘉山 在州西八里与冠山角峙，以草木嘉美故名。下有龙井，井侧有黑水泉流经州城东北合桃水，上有丰乐亭灵源公祠，萧启诗，嘉山之泉味甘冽，嘉山之水庙上侧，诸峰拥翠势峨峨，小溪流水声汨汨。

平定州志

輿地

山川

九

悬崖半掩短墙阴，古井长通灵脉深，松枝偃蹇覆盘石，生风时听苍龙吟。

谷口晴烟笼碧树，曲涧窈窕接幽处，不见红尘一点飞，惟有白云自归去。

前对冠山隔重岭，中有禅林绝人影，林畔石庵堪读书，昔日左丞曾此隐。

两山相望春复春，谁知就里佳趣真，一从读书客去后，苔鲜翳石僧为邻。

偶因经过暂登览，汲泉煮茶浮蟹眼，数瓯吃罢下山来，回首山间山色晚。

曾尚增龙井诗：龙井何年一鉴开，灵源祠畔水溶回，东坡风味人谁识，只恨无缘遇辩才。

马鞍山 在州西十里，以形似故名。北汉天会十二年三月，宋镇州守将破马鞍山寨。

琼瑶山 在州西阳泉村东。

狮子山 在州西二十五里，形似狮，一名蒲山，有巨石数丈，盘耸古松间，石上有穴，深尺许，中产菖蒲，水冬夏不竭，祷雨辄应。土人建蒲台神庙于上，岁久蒲绝，时苦旱，郡人孙杰补裁，为文祭之，甘雨即降，人以为植蒲之感。后李棠重修神庙，北有石瓮山，详石瓮神庙。赵怀允灵贍王庙记略云：平定郡西二十五里，有山曰狮子山，经所谓一以形似而名。

之一者也。山之麓有石台焉。魏巍嵒岷杰出群石。若巨人之冠帽。然菖蒲生其上。南望黑水十里而近。北顾石瓮五里而遥。盖连亘之一山也。按赵记。石台即八景之一帽石烟凝也。乔宇游蒲台山诗。突起云根凸丈形。紫蒲仙种滴清冷。梳风露叶春常在。带雨烟生岁累经。山有出云膺郡祀。地无忧旱仗神灵。嘉峰石瓮连前后。三处神功总勒铭。曾尚增诗。狮子山头一穴开。灵根何事更栽培。黄梅时节及时雨。知是蒲台神赐来。

禅岩 在蒲台庙南峰上。有僧普惠示寂岩下。故名。

石瓮山 详丰济王庙记。为八景之一。

王兰山 在州西四十余里。蒙村西北。

中兴凸 在州西测石村南。

文笔峰 在州西五十里测石村东。上有文昌祠。其巅有浮屠。供魁星其中。每朝曦夕照。影落桃江。如文笔然。故名。

右。州西之山。

石楼山 在州南十里许。山麓有龙王庙。山后有圣水。大旱不涸。大雨不涸。每有灵应。

平定州志

輿地 山川

十

玉屏山 旧志以石楼一名玉屏。误两山为一山。今考玉屏在石楼西南。势尤峭岩。每逢雪霁。如列玉屏。因名焉。朱绘诗。玉屏山高云木苍。六月山阴冰雪凉。净扫云烟眠石榻。山人无梦不羲皇。

榻。山人无梦不羲皇。

凤凰山 在州南二十五里新村北。

纱帽咀 在州南二十八里阳胜村。其峰峦状似纱帽。故名。有泉数处。村人引以溉田。

长寿山 在州南三十里马郡头村。一名凤山。上有护海圣母祠。浚浚泉出焉。

药岭山 在州南三十五里。下寺有石佛洞观音阁。山巅有清凉院。岩石嵯峨。涧水清冽。山。飘蔦凉。殊为幽胜。有待月清凉巨石二。有明成化间新修清凉寺石洞碑记。嘉靖。

万历间郭紘。葛思茂重修碑记。国朝陈廷敬清凉寺中兴碑记。

乔宇诗。行尽西溪问水源。直从东岭到祗园。青穿松盖分萝径。翠凿云根引洞门。高阁帘栊秋对奕。空山风雨夜开尊。棲迟物外禅家事。城市中人未许论。朱绘诗。药岭春来药草多。僧房洞里

袅烟萝。中流亦有胡麻饭。刘阮天台未许过。李念诗。最爱青山并轡行。春风偏与夹衣轻。老僧采药知何处。童子登高作梵声。傅山修药岭说。窃窕哉药岭。可作石艾秋红一帽也。往三十年前。

即欲为息心之士。谋诛茅方审曲而势化多可造神。少所营一丘曲折缓步跻攀。塞者蓄之。陋者文之。糜糟者删之。沟者桥之。翳者刊之。刊而得平者亭之不榐。亭者前而拦之。散石岷岷岷岷者

采之、于亭于栏、不衫不履往而夷俟之。梵中大石孤耸一楼、楼中单肖髻髻一尊、为游人不二主人。楼旁梵外、选境搏标、草苫石墙、栽植山樱、紫、荆、梨、野蔷薇、篱之落之、有色有香。有蛇伤而夔防、一瓶一钵当有出而不出者耶！且道西方如来胜地曰「苑」、曰「园」、奚取于斯名？行僧文蔚愿力开山、贫道以此意喻之。若云壮严不事风韵、风韵不是壮严、都无是处、请资此意向八达之衢、养闲汉处何物正殿、何物修廊房、左海会、右阎罗地面誅人作人、天福德尽有铺排、何必修药岭之劳为？

西龙王山

在州南三十五里阳胜村西，上有龙王庙，山形盘屈犹龙，故名。石上题「一把酒问月」四字，南有五冈回抱，山下二潭皆以龙名，五冈之间皆有水，下注二

潭声如笙簧，葛思茂有碑。

尖山

在州南四十里左家村，峰峦孤秀，上多苍松。

右，州南之山。

卧龙山

在州北十一里，上有长者岩，延志王志皆不载，陶志据通志补入。

卧虎山

在州北十三里，形如卧虎。

莺鸣山

在州北二十里，许大西庄。

平定州志

輿地 山川

鹿泉山

在州北二十里柳沟村。

四角山

在州北三十里，势四起，下出三泉。

玉泉山

在州北三十五里烟林村，树密林深，上多古庙，殿宇巍峨，屡经重修，有苗藩避乱碑铭。

兴龙山

在州北六十里燕窠村之东北，相传龙起于此，因以得名。山有砚石，龙泉，仙人寨及元以来古庙碑碣诸胜迹。

右，州北之山。

蒙山

在州东北一十五里，一峰孤秀高出群山，上有晋山神祠。旧志通鉴晋怀帝永嘉六年冬十月，代公猗卢遣其子六修等攻晋阳，自帅众二十万继之，与汉中王曜战于汾

东。曜兵败入晋阳，夜与大将军粲、镇北大将军丰掠晋阳之民逾蒙山而归。胡三省注五代志：太原郡石艾县有蒙山，州人张佩芳蒙山考曰：平定，乐平皆有蒙山，州县志皆引刘曜与猗卢子六修战败逾蒙山而归一事。其一误于胡三省通鉴著，五代史石艾县有蒙山，晋志属乐平郡，故乐平县志以为即县东南二十五里之蒙山。其一误于纲目，质实蒙山在平定州东十五里，一峰孤高出众山上，上有晋山神祠，故平定州志以为即其地。然胡三省又据五代志，晋阳县有蒙山，此庶为近而云此，盖跨晋阳石艾县界，不知晋石艾县界不至晋阳也。地理颇难考，然须细绎，此事原委及其去来所由自可得其二。猗卢先居定襄之盛乐，今大同府西北。永嘉元年刘琨镇并州欲依猗卢为援，乃听入居楼烦、马邑、阴馆、繁峙、崞五县之间，今为忻代二州地，南至晋阳，今太原县三

百余里。永嘉六年汉遣将军靳冲，下邳入寇，故猗卢遣兵救之。汉兵败走，珉移檄郡县期以十月会击平阳，已杀令狐盛，盛子泥奔汉，具言虚实。刘聪乃遣河内王粲，中山王曜将兵寇并州。珉闻，东出收兵常山及中山，且遣使求救于猗卢。粲、曜乘虚袭晋阳，珉还救不及，粲、曜遂入晋阳。故珉上太子牋曰：「一聪以七月十六日复，决计送死，臣即自东下率东山，常山之卒，并合乐平，上党诸军，未旋之间而晋阳倾覆，即其事也。」十月猗卢遣其子六修及兄子普根等，率众数万为前锋以攻晋阳，猗卢自率众二十万断之。六修与曜战于汾东，曜兵败坠马中七创。讨虜将军傅虎以马授曜，驱令渡汾。汾东汾水之东，今阳曲县。水经注：汾水经，阳曲县城西，又东南迳晋阳县城东。曜兵败渡水以晋阳在汾西也。曜既入，夜与大将军粲、镇北将军丰掠晋阳之民逾蒙山而归。通典晋阳有蒙山与五代志同。明史地理志太原县西北有蒙山。指曜自平阳袭晋阳当自南来，及兵败不敢出故道，乃夜逾山间道自西河归，此其去路也。通志蒙山，祁县麓台山。又明地理志平遥县南麓台山一名蒙山，所在附会当以在今太原县者为是。猗卢追之战于兰谷（注：兰谷在蒙山西南，虽未详何县，的在汾州界内无疑），而通典岚州下有静乐岚谷，静乐注有管岑山刘曜败处，意谓岚谷即兰谷，故以汾水所出之管岑为汾东，不知岚州古楼烦地即猗卢所居。史明言猗卢遣子六修攻晋阳，曜何由深入至此？此不足为据。至猗卢既大败汉兵，因猎寿阳山陈闾皮肉山为之赤，注在乐平寿阳县，宋白曰本汉榆次县地。按今阳曲县东山与寿阳县界即其地在汾东之东，本败曜于汾东，故于其将去，大猎以示威武，此事之所有者，然亦非今之寿阳。旧志谬讹相承，附赘于此。

龙头岩

在州东北十六里乱流村北，势如龙头，平地突起。

平定州志

輿地 山川

十二

魁头山

在州东北十六里乱流村，山麓有石佛龕，就山石凿成洞与佛像，缭以石栏，旁有石峰，多生石柏，岩上有一白岩，乔公游此一题句。

白鸡山

在州东北二十里，唐李存勖获白雉，晋王李克用以为瑞，表进於朝，故名，有古碑存焉。一说李嗣昭获，明一统志上有晋王庙。

桃花山

在州东北二十四里龙庄村，峰嶂盘错似桃花形，故名。上有大王庙，祷雨辄应。

石瓮泉山

在州东北五十里会里村河西，悬崖百尺，岁旱人行入穴，其形如瓮，水深莫测，不涸不溢，附近民取汲焉。

盘石六度岩

在州东北六十里。

石门

在州东北七十里，即盘石关。

张果老洞

在州东北七十里，洞有二：一在塔崖上，一在坡底村，遗像犹存。洞爽而邃，多唐、宋人题咏，今剥落。乔宇诗：洞门高掩十三天，千丈云梯上下连。只为

名山长览胜，却如平地可登仙。石幢经古重题字，丹灶灰存不记年。绵水承天皆洞府，崆峒须问广成篇。

承天山

在州东北娘子关古城西，又名紫金山，泽发水出焉。中有老君洞丹炉遗址，唐裴晋公韩昌黎题名石壁。洞门左有唐大历二年修承天城碑记，延志按裴晋公传，贞元间

为彰仪节度淮西宣慰，表求韩愈为行军司马，今承天山石壁上题二公名，疑即其时也。又苗生云老君堂后崖石上刻「韩愈吴丹过此」六字，疑是往镇州宣渝王廷奏时题名。通志古名保阳庵。

相传老子麻姑仙炼药地。赵王王筠会晋王李存勖于承天军，奉觞为寿，存勖以父友尊礼之，酒酣，为谔歌，拔佩刀断衣而盟，许以女，妻懿子昭海。韩愈诗：甯逐三年海上归，逢公从此著征衣。旋吟佳句还鞭马，恨不身先去鸟飞。郝天挺题麻姑坛诗：路入云关仙境佳，琼田瑶草带烟霞，贮经洞古无遗检，养药炉存失旧砂。青鸟不传金母信，紫鸾应返玉皇家，岩扉不掩春常在，开尽碧桃千树花。

绵山

在州东北九十里娘子关古城东，绵水出焉。旧志注承天泽发于此山下，误。有介子庙，妒女祠，祠在娘子关泽发水上。妒女，介子推妹也。介子隐绵山，晋俗禁火号寒食，其妹於冬至后一日积薪煨火以变其俗。兄禁火，妹举火，故谓之「妒女」。后人晋祠与绵山元好问承天镇悬泉诗注：「平定土俗，传介子推被焚，其妹介山氏耻兄娶君，积薪自焚，号曰「妒女祠」。其碑大历中判官李涇撰，词旨殊谬，至有「百日积薪一日烧之」之语，乡社至今以百五日积薪而焚之谓之「祭妒女」。唐高宗幸汾阳宫，并州长史李冲元以道出妒女祠，盛服过者致风雨之变，更发卒数万改驰道。狄仁杰谏曰：「天子行幸，风伯清尘，雨师洒道，何妒女避耶！」帝壮之曰：「真丈夫哉！」遂止其役。是日天甚霁皎。按介子推隐绵山在介休县，县以介得名，且又有绵上。聚郑夹漈谓：郡县有时而移，山川千古不易，今县名山川符合若此，而又何疑？乃好事者以平定之绵山当之。又皮传唐高宗不避妒女祠，以妒女为介子推之妹，穿凿甚矣！俗传介子推焚死又有火禁之说，考周礼司烜氏季春出火，季秋纳火，盖心为天之大火，故季春心昏见于辰而出火，季秋心昏见于戌而纳火。而卯为心之明堂，至此而火大壮，是以仲春禁烟戒其盛也。今以冬至百五日为寒食，熟食断火谓之龙忌，盖本于此，而岂如火禁之说哉。

平定州志

輿地 山川

水帘洞

在州东北九十里娘子关妒女祠下半崖间，清流千尺，下悬绝涧，形似珠帘，今洞尝有曲形入穴者，见石室方正，结顶如张帘幔，复经数屋则蝙蝠大于箕，张两翼触火灭矣！相传通正定城云，又传明初郡人郭望然得异书於此，洞出水流石，又名上水石，白色。洞旁村人垂绳冒水取之以货，乔宇诗：绕洞飞泉数丈余，长惊风雨落空虚，水中龙伯携将去，海底蛟人织未如，避世几家来此地，采真何代得奇书，嗟予久抱看山癖，每过名山辄驻车。

崔巍寨

延志王志皆不载，陶志据通志补入，未详所在。

右，州东北之山。

分河岭

在州东南张庄村南五里，与乐平接界，岭脊有大王庙。

晋盘山

在州东南四十里，山形盘错故名，北与东浮山对峙。

东浮化山

一名浮山，在州东南五十里，南与罗侯晋盘诸山竞雄，北与青玉峡互亘，西去西浮化百里相对峙，上有女娲炼石补天灶。金志有浮山浮添水，列子天地一物也，物有不足，古昔者女娲氏炼五色石以补其缺，明陆深浮山遗灶记略云：东浮山在城东五十里，即女娲补天处，其炼石灶尚存，山多产石炭，胜他产，而所产诸色石亦可烧云。山出浮石赤色，入水不沉，相传为女娲炼石云。按三皇五帝之书不见于世，其名号靡得，而稽孔子系易称伏羲、神农、黄帝、尧、舜、删书断自唐虞，若太史公所述五帝出于古文五帝德，谓伏羲、

神农、女娲为三皇出于运斗枢。谓天皇、地皇、人皇出于秦博士。明堂位女娲之笙簧出于七十子，后学所记。然则孔子易系尚书而外所称女娲氏者已二三其说矣！至炼石补天，其言始于冲虚。经而淮南子详之，盖寓言也。共工氏与祝融氏战不胜，头触不周山，天柱折，地维缺，谓彝伦攸斁也。五色石补天谓五伦，攸叙五事敬修也。地之形大于月而小于日，有事于补则举全载之，地不足当日之大，何炼浮化山之片石足以补天耶？谬己。或曰太行山，一曰皇母山，亦曰女娲山，崔氏云女娲于此炼石补天。崔氏浑指太行犹胜于浮化山之说与。乔宇诗：万叠冈头坐渺茫，

松涛风响夜琅琅。昭回接处天应近，沉澹餐时夜未央。下界浮尘无一到，空山灵气但闻香。悠然解得南华意，遮莫笙歌到上方。

舍利山 在州东南六十里西回村，上有舍利子形似。五谷，色泽光润，有宋治平，明成化碑记。

龙凤山 在州东南一百四十里白城沟村，山有石井，冬夏不涸。上有玉帝、观音、三官等殿，白孕彩碑记。

罗侯山 在州东南一百四十里营庄，七亘，石门三村之间，一名花叶山。崖高万丈，石壁耸秀，半崖滴泉名乳母。水下有石盆，名莲花盆，泉滴于盆，味极甘美，有透桥二。

仙洞二，崇贞间村人避寇于此，至今遗迹尚存。

苍岩 在州东南一百四十里井陘界，有桥楼、石坛沟，说经台诸胜境。

右，州东南之山。

平定州志

輿地 山川

鹊山 在州西北五里，上有扁鹊庙，山下有平地泉。赵简子赐扁鹊田四万亩在山下，彦太初许希诗序：针工许希，天圣中召见，三进针而疾平，面授尚药奉御，其赐予不可

胜计。谢恩毕，向西而拜。上询其故。奏曰：「臣拜本师扁鹊也。」上惜其用心不忘本，给钱五十万立祠，封曰「灵应侯」。元好问诗：古柳轮囷欲十围，鹊山祠庙此遗基。万金良药移造化，老眼天公谁谓畸。己为养生迹单豹，不应遭网废元龟。半生磊落浇仍在，拟向灵君乞上池。曾尚增诗：万亩山田画不如，至今犹自把耕锄。高轩一过人千古，谁向长桑乞异书。

方山 在州西北五十里，上有福山大王庙，金进士耿守直隐此。

试刀石山 在州西北三都属南峪，即昔之美家峪。山间有关龙逢墓，关氏世系碑上有关公

刀石诗：片石关家峪，相传汉寿攻。自经锋砺刃，不断谷生风。月偃龙光灿，山开虎力雄。云根余迹在，苔老绣苍红。

佛爷山 在州西北五十六里，吴家掌北。

右，州西北之山。

冠山 在州西南八里，状如冠故名。山麓有资福寺，上有元中书左承吕公书院，明知府孙杰高岭书院，仅存废址及古松一百三十株。山椒有孔子洞一石琢成，乔宇记略云：

平定之西九里，山势秀拔曰冠山。元左承吕公思诚书院旧址在焉。南有巨石高丈余，广倍之，太守孙君朝用命工琢为洞，有肖夫子像，以颜子、曾子配之，又叠石为二洞，以备士类偃息游艺之

地。繚以垣墉与书院相表里。冠山两度书院左右皆前贤题勒石迹。曰「状元」者。相传金状元杨云翼题。旁有大石。平可跌坐。击之中空而响。曰「仰止圣真」者。明嘉靖时山西参政前提学副使古耶陈其书。曰「心目豁然」者。明万历间松岩山人葛思茂书。曰「云中坐论」。曰「达观」。曰「龙惊」者。皆松岩书。曰「高山大川」者。王云凤书。曰「兆我生徒」者。河东王廷对书。曰「白岩」者。字作古篆体。白岩乔庄简公别号也。附傅眉五言古诗一章。商喜刻。曰「一望无际」者。缺题名。又有石曰「白云深处」者。曰「远尘」者。亦松岩书。曰「静修」者。乔白岩书。皆在山后。王构诗。缥缈楼台出翠微。东山豪杰晚相携。云深白石老僧住。花落松庭幽鸟啼。满目风烟嘉水上。千年胜槩井陘西。金螺紫酒阳春曲。拼起归来醉似泥。汪藻冠山吊吕左丞诗。冠山山势碧峻。驻节来游吊左丞。十里红尘飞不到。百年青史价先增。林皋松老荒书屋。洞口桃花羨五陵。酒出行厨归兴晚。笙簧遥送水云僧。苏轼诗。见说冠山好。遥空隔几重。瀑泉晴拂寺。宿雾晓迷峰。笙渡缙山鹤。岩回老氏龙。三加存帝制。千里视侯封。白岸风前幘。时修月下容。苔生纱细皱。云起发微浓。露冕怜霜雪。投簪谢鼎钟。打门人不见。漫倚两三松。乔宇雪中访左丞吕公书院旧址诗。峻岭崇冈冒雪来。冠山遥在白云隈。松盘厚地蜿蜒出。花落诸天缥缈开。傍险欲寻归隐洞。凌高还上读书台。平生仰止前贤意。莫遣遗踪阒草来。付眉冠山山石诗。但是跛陀石。颓唐总可人。风霜容磊落。烟雨渗精神。不肯孤花压。谁能乱木因。点头汝信我。各各会其真。按冠山胜迹甚多。旧志未经备载。今摘其要者约略补入。资福寺东偏院旧为书屋。直隶总都那彦成题额曰「槐音书院」。寺北有子孙圣母殿。求子者往往有应。西南隅有水一泓。深广不盈数尺。味甘冽。冬夏不涸。居山者皆取汲于此。旁有石。太原傅山篆书「羊周瓢饮」四字。语本水经注。再上为吕公书院。嘉靖十二年郡人孙君裕重修。建石洞三孔。上立文昌阁。中刻孙君毓芝集柳元秘塔字。作五言绝句数首。去书院数武有亭曰「仰止」。系提

平定州志

輿地 山川

十五

督窳公寔建。咸丰五年重修。取高山响往之意。又有真武阁。乾隆年间建。咸丰初年重修。取镇压山魅之意。在山后者又有佛祖洞。巨石凿成。肖佛祖像。旁有读书台。相传为乔庄简公读书处。按乔吕书院故址诗有「凌高还上读书台」之句。疑读书台乃吕公遗址。非乔也。至山石刻字题名者不可枚举。并概从略。

高岭 在州西南九里。乔宇诗。榆关高岭高接天。势控崢嶸根盘旋。石缸两旁飞洞泉。中

警服双踰跄。瑶池万里咫尺边。俯视尘境心超然。三十六洞趋群仙。左招安期右偃佞。奇花瑶草纷吾前。再拜称贺当寿筵。只今八表风神全。方来日月不记年。披图一赋长生篇。按高岭《延志》。《王志》皆不载。《陶志》据通志补入。通志则据乔诗也。而均未详其所在。考高岭书院在冠山左侧。为明知府孙杰建。乔宇夫子洞记称太守孙君此诗亦有苍颜太守句。其人其地均相吻合。则高岭自当在冠山左侧。故附于此。

七里岭 在州西南四十里。高七里。南北横亘数十里。北极专岭。骑道岭。同为南川水之北源。南接羊延岭。寨平岭。侯神岭。为南川水之南源。岭路险峻难行。道光年间州牧

宣麟开修专岭。七里岭。寨平岭道路有记。见艺文。旧志但载七里岭。今并详之以备考。专岭一名长寿岭。俗呼段岭。侯神岭一名大岭。西南又有马道岭。

小寨山 在州西南四十里。阳胜水出焉。

金泉山 在州西南六十里。龙川村。有圣寿寺。龙泉水出焉。

含龙山 在州西南七十里松曲村。有双林寺。唐时名普济院。宋大中祥符间赐牒。有碑记。

西浮化山 在州西南八十里。有惠因寺。浮化水出焉。此山与嘉山、蒲台山、石瓮山、东浮化山俱载祀典。春秋望祭。

猪头山 在州西南八十五里松塔镇。南距华泉。东西古冲。上植古榆一株。山腰有峰突出。结成猪像。其形宛然。下临古潭。影落潭中。栩栩欲动。陶志。

右，州西南之山。

逸泉 在州东八里王家庄南山下。东流至乱流合桃水。

翠蛟潭 在州东四十七里柏井镇西三里许青玉峡中。有大石潭。冬夏旱潦不涸。明提学陈斐题曰：「翠蛟潭」。

甘桃河 在州东九十里。源出柏井分水岭。东流至故关。合故关以西水。东南入井陘冶水。

故关水 在州东九十五里。东流经井陘故关入冶水。延志。王志皆不载。陶志据通志补入。

右，州东之水。

嘉水 源出嘉山左青龙冈下。东流经鹅峪村贯城中。为嘉河。至东水门外一里许。合城南河。

平定州志

輿地 山川

黑水 源出嘉山灵源公祠龙井旁。东流经上庄村绕南城外为城南河。至奎星楼会嘉水。注南川水至西郊北流入桃水。

龙井 在嘉山神祠下。井上有亭。亭内刻双龙戏珠。影落井中有飞动状。

阳泉 在州西十五里。泉源有五。一在村南涧中。俗名饮马坑。一在村西野子沟。皆夏秋有水。冬春则涸。一在村北寺沟。相去丈余。水盈盈常不涸。一在张氏山庄问渠亭

右侧。深广丈余。石磬为池。土人常祷雨于此。或曰今村中上港井。亦泉也。今有石槽尚存。后填以巨石。因以为井。皆自平地涌出。本名漾泉。讹为阳云。郡人张佩芳有记。曾尚增阳

泉诗。阳泉一曲水湾环。方外翛然客意间。最是溪声推枕得。至今好句爱遗山。

平潭 在州西二十里桃江北岸。有宋熙宁敕建寿圣寺。一区众水汇滩于前。平衍光鉴故名。

清泉池 在州西三十里蒙村山谷间。上有龙母祠。

石泉池 在州西禅岩下崖垂瀑布。汇且盈池。

温泉 在州西五十里测石东。由丹石崖流出。泠泠有声。

桃水 源出寿阳县东南桃源沟。东流至芹泉张净镇。合芹泉小河。南芹泉。库仓河。北芹泉。太平河又山南河入州西界新店镇。距州城六十里。东流经州北。达东界地都。

东西计一百六十里。州境东西南北之水惟分水岭以东甘桃、故关水、东南松溪、营测诸水不注桃水，东北流并界入冶河，七里岭以西龙泉、浮化水合乐平横河，洞涧水西流寿阳界入冷泉河，余皆入桃水。东至承天会泽发水入井陘县冶河。水赤色如桃花故名，又曰桃江。水经注：斯汶水首受太白渠，太白渠首受绵蔓水，上承桃水，水出乐平郡之上艾县东流，世谓之曰桃水。东经靖阳亭南故关城也。及北流至井陘关，下注泽发水。水乱流东北经常山县，蒲吾县西而桃水出焉。南经蒲吾故城西又东南流经绵蔓县故城北，自下通谓之绵蔓水。

右，州西之水。

南川水

在州南八里，其源有二：北源出七里诸岭，南源出寨平诸岭，东流至宋家庄合流，至大林山合嘉水，又东至西郊村合石门东南水，北入桃水。

泼泼水

在州南三十里马郡头村凤山上，有护海圣母祠，旁一小池，泉水泼泼故名，岁旱祷雨辄应。

阳胜水

在州南三十五里，有二源：一出阳胜西龙王山，一出范家掌小寨山，东流至新城合流，又东合东南诸水经石门口折而西流，至西郊村合南川水，东北至乱流入桃水。

珍珠泉

在州南四十里左家村，方塘半亩泉无定所，有时自下而上，直喷水面，散如珍珠，故得是名。

平定州志

輿地 山川

右，州南之水。

郝家汨

在州北五里许，郝氏世居之，因以得名。其水自半崖涌出数十丈后涸，崖西南有平地泉数道合流入桃水。少保乔公宇题名，瀑布泉。上建昭济祠，朱绘诗，郝家汨是

故池塘，池上春风苹藻香，种得芙蓉能载酒，依依风景入江乡。

怀潭

在州北五里泊里村，州人李愈居之，以思亲而命名，自为记。

五渡水

在州北十五里，有三源：一出四角山，一出黄沙堰，一出鹿泉山，南流五渡合桃水。

白泉河

源出四角山之侧，东北至水峪，西注文谷水。

神井

在州北四十里东落姑堰龙王庙南，土峰回环甘泉出焉，凡遇建修庙宇取之不竭，否则一日仅流数十担即止，屡验不爽，村人异之故名。

太清泉

在州北五十里三都村瑞云观台基下，平地突出，东流合龙泉。

龙泉

在州北五十里三都村五龙祠南崖下奔流，合太清泉过三郊，北至孟邑韩庄，注文谷水。

右，州北之水。

泽发水

在州东北九十里娘子关古承天军，一名阜浆水，又名阜发水。平地突起，下赴绝

勒故关隘口。

悬泉

泉

在紫金山，即泽发水之源也。金元好问诗：诗人爱山爱彻骨，十月重来犯冰雪。悬流百

六一翁，四十三年如电抹。并州之山水所流，骇浪几轰山石裂。只知晋阳城西天下稀，娘子关头更奇崱。周南留滞何敢叹，投老天教探禹穴。君不见管涔汾源大车轮，平泉丈八玻璃盆。不知承

天此水何所本，乃与允溪争雄尊。平泉突出随前奔，汹如颶波射天门。太初元气未凝结，更欲何

处留胚晖。素蚪腾掷翠蛟舞，滚滚后出皆鯨鯢。雷车怒击冰雹散，石峡峻滑苍烟屯。凭崖下视心

魄动，自愧气衰笔老胜。笑过眼无由吞，少东水帘亦潇洒。珠璣一一明朝嗽，阳龙暗滋瑶草活。巽

石自与蓬汤温，神祠水之泚。仪卫盛官府，颇怪祠前碑。稽考失莽卤，吾闻尹革台骀宣。汾洮障

大泽，自是生有自，来归有所假。而自经沟渎，便可尸祝之。祀典纷纷何所取？子胥鼓浪怒未泄，人

平定州志

輿地 山川

十八

言主者介山氏，且道未有介山之前谁复主，山深地古自是有神物，不假真灵谁敢侮。裨官小说出

户。麋鹿有场鱼有浦，好筑糟台俯洲渚。瓮面椰瓢抱膏乳，醉扶红袖别吴歌。风雨不忧惊妒女，

袁从又诗：翠岩高列势摩天，岩上裴雷泻玉泉。绝壁飞来浑是雨，长风卷去忽成烟。围茅小

绵水

出娘子关镇里村绵山东麓，距地都村三里许，中隔深涧，旧流涧中，北入

安。焉得结茅常近此，杖藜携酒日相看。冈头形势接绵山，为爱悬泉数往还。石乳下通沧海底，

浪花高叠翠峰间。千寻峭峻留仙迹，一掬清冷解病彦。四十年来羁俗驾，水边赢得老来闲。

泉

在州东南一百四十里沿庄玉皇殿台基下，甘美异常，每天旱村人祷雨於此，灵感甚验。

狐源泉

在州东南一百四十里龙凤山下，清泉长涌，产有虾蟹龟鱼，流入顺阳河，出并隆口，沿河开渠灌田千顷。同治九年知州傅延琦出示刻石，飭民轮次引灌，永息争

端，今又呼为傅公泉。

右，州东南之水。

灵应池 在州西北鹤山上，有神应王扁鹊庙。

牛郎河 源出西北试刀石山，北流经苇瀑合河底中左水入孟邑张赵，注文谷水。

文谷水 在州西北六十里，源出孟县境东南，流辛南庄入州境，至承天山合桃水。

保安河 在州西北七十里，源出孟县界，南流至新店镇合桃水。

右，州西北之水。

苇池甘泉 在州西南二十余里旧金山圣母祠座下，甘泉流长，严冬不冰。

良泚泉 在州西南苇池西良泚村，山下数泉，旱潦不涸。

落磨川 源出骑道岭西，西流至苗家庄折而北流，入寿阳界为山南河，合桃水。

龙泉河 在州岭西六十里，源出金泉山，西流至松塔合岭西诸水入寿阳县境。

平定州志



輿地 山川

十九

浮化水 在州西南八十里，源出西浮化山合乐平洞淌水，西流入寿阳县境名冷泉河。又西经榆次，太原至于徐沟入汾。

饮龙泉 在州西南八十五里猪头山下，其深莫测，山崖渤七言长句，字大可四寸许，风雨磨灭，失其名氏。其诗云：青山万仞列终南，巧奏玲珑玉象含。老树横枝依峭

顶，石猪倒影卧清潭。月临涧底珠生项，云吐峰头气绕岚。不解乾坤奇结构，年年榆下系归骖。

右，州西南之水。

附 水利

州境山多田寡，其断涧深沟，雨则水涨，雨止则涸，无长流渠道可以疏引。『旧志』绵水出绵山东麓，平地涌出，颇可灌溉。『旧志』唐李湮妒

女祠铭：井陘西南，太原东北，妒神之泉，澹为黛色，跳波喷浪，如有可则，古往今来，源流不忒，兴云致雨，侔造化力。按今承天山多水田，不减晋溪云。「旧志」雍正间知州李濂，青阿立于娘子关，睿导绵水，逢壑架木，迂埽通渠，溉田四顷有奇，民利赖之。「旧志」州东九十里娘子关下磨河滩有水磨，夫水资灌溉，通舟楫，而粤、楚、予、章、闽、浙间溪流湍急，多堰水激机，设水磨、水碓，更有筒车可代桔槔，兹亦间有此，固水利之一端也。

平定州志

輿地 山川

二十

吕思诚五渡河水磨诗：满膝曲屈水淙淙，喜听罗声自击撞。笑我贫家无麦垄，看君高堰筑桃江。不须著力身还转，政使乾坤气未降。说与汉阴痴老子，桔槔功利胜罍缸。

「按」五渡河在州北十五里，发源于寿阳之太平山，经北下注娘子关，渡口有五，故名。然水至此无波，故曰「五渡平波」。水磨安得在此，岂水道夷险，今昔固殊与？

论曰：吾州治在万山中，下城为山水合流之冲，一遇大雨，两崖瀑涨，居民濒河者不胜苦矣！雇间阁日用俱以石炭为炊，而酿家尤甚，煤结成灰，憚於畚鍤，辄委于河畔。终岁缺雨，填塞成堆，河渠上迫，民居仅三五尺许，何能当山水骤发哉！夏五六月一遭猛水，南居者冲崩覆压之害十室而九。甲子丙子之变可鉴。已为民父母，宜軫民之忧，而时睿凿之，毋听一二射利者之便，

以鱼鳖其民也。『延志』嘉水西注城腹，两岸庐舍栉比，而居民多弃煤渣于道阻塞河路。乾隆壬午夏六月，嘉水夜半大发，民不及逃。幸前牧王应超署牧劳宗发及其时州牧，先后挑睿，尚不为患，守土者宜以是为先务云。生员董深有桃河记碑，『旧志』。道光年间，知州锡麟因居民屡受水患，严禁倾倒煤渣，倡捐地租二十石有奇，为挑修资。嗣嘉水大发，居民安堵，守土者先务在是旨哉言乎。祖谋城关五镇经理，地亩粮石俱详碑记。碑在武庙崇圣祠。

平定州志

州境八景

輿地 山川

二十一

红楼晚照

相传今天衢阁处旧有楼，高若浮图，夕有返照，后遭火毁。无名氏诗：『百尺危楼高拂云，晚来佳气倍氤氲。鸦翻金背渔归渡，雁落寒汀酒半醺。不独山光凝紫翠，更夸树色荡清芬。此时偏倚栏杆坐，笑捻吟须看夕曛。』孙杰诗：『孤楼低晚照，万井欲黄昏。残影连汾水，余晖隔雁门。关城悲鼓角，风物暗川原。隐约桑榆外，归鸦趁晚村。』

白岸秋霜

东回都西白岸村。无名氏诗：『榆关八月雁来秋，肃气棱棱暑气收。夜合苍旻银絮乱，晓凝碧岸玉花浮。色添枫叶红如锦，寒逼芙蓉醉若羞。更喜农家禾稼熟，漆场开酒乐优游。』孙杰诗：『白雁南征后，周原霜降迟。山谿枫叶下，村巷菊花滋。明月秋砧急，凄风夜角悲。未应摇落尽，朱实更高离。』

阳泉春色

阳泉见山川。无名氏诗：『此地从来先得春，桃红柳绿竞鲜新。有时雨过山添翠，长日溪流水皱鳞。似语野花开灼灼，唤人小鸟叫频频。回头更有南峰胜，青霭葱葱俗岳邻。』孙杰诗：『山川犹雪霰，胜地已阳和。烟润黄金柳，沙明碧玉波。暄风花信早，萋草履痕多。即见桑榆里，韶光伴酒歌。』

清泉浸月

清泉池见山川。无名氏诗：『榆关西去是通津，皓皓娟娟照水邻。翡翠光中开宝镜，琉璃影里浸冰轮。曾添庾亮楼头兴，也助长庚醉眼春。料得广寒宫阙远，持杯且饮莫逡巡。』孙杰诗：『荡漾关山月，寻源只滥觞。素娥微有影，银阙迥含光。浴鹤还松盖，沈云映石床。烟华连上党，风色似沧浪。』

五渡平波

见水利。无名氏诗：『一湾溪水五重滩，雨后行人过最难。碧映山光留翡翠，清涵树色浸琅玕。风生浪卷湘潭櫓，月映波沈碧玉盘。我欲放怀耽胜览，何如

庄子坐观澜。孙杰诗：「渺渺桃江下，东流直且纾。平波分渡口，曲岸转山隅。芳草停嘶马，斜阳艳浴鳧。通津何处急，沧海也应浮。」

双林古寺

双林寺见寺观。无名氏诗：「古木参天黛色新，中藏兰若隔松筠。长廊斋罢飞句，烟水云林总是真。」孙杰诗：「双柏风烟古，群山花木幽。地兼南北胜，寺历汉唐秋。石径深红积，雕栏远翠浮。禅心共流水，潇洒白云游。」

帽石烟凝

见山川狮子山注。无名氏诗：「有石如山翠且高，无端烟霭四时包。晚云似练笼梳髻，夜月如纱映绿袍。淡抹远山青缕缕，寒分五渡水漕漕。今朝喜得攀跻乐，骐马归来胜驾鳌。」孙杰诗：「霜烟凝冒石，蒲草乱苔斑。树隐横斜里，山迷远近间。和云遥出塞，带露欲临关。俎豆存祠庙，祈灵人往还。」

冠山雨过

冠山见山川。无名氏诗：「层峦叠嶂接苍穹，更喜纱笼翠髻松。朝过雨岚飞黑漫吟佳句乐雍雍。」孙杰诗：「四面稍盘屈，中危却似冠。野云滋鸟道，时雨下鸿磐。花覆崖心溜，人喧渡口湍。翠微青石黛，畦圃赋罗纨。」

乐平乡

青龙山

在乡东三里许泰山庙后，上有龙神祠，州判李希先因祷雨灵应，于咸丰年间创修。

平定州志



輿地 山川

牛头山

在乡东十里，接蒙山，以形似名。

蒙山

在乡东二十里。山势耸拔，一峰孤秀，土人九日登高于此。上有龙神祠，县志云：「通鉴代公猗卢子六修与刘曜战于汾东，曜兵败坠马夜奔蒙山而归即此，云在平定州者误也。」

按县志亦误。考见州蒙山下，乔宇诗：「洞谷盘迴带嶙峋，直从飞磴夸苍昊。云驱野色千骏马，峰垒晴光万角麟。雄饮拒知樽有尽，捷才谁说句无神。镜湖一曲皆君赐，高尚何如贺季贞。」

黄岩山

在乡东三十里。山石多黄，有悬泉流入石瓮，土人乏水多汲于此。

老人峰

在乡东六十里。黄沙岭隘口。

白岩山

在乡东七十里泉落村南十里。起伏蜿蜒，一峰挺上，对望蒙山于六十里外为乐平诸山冠。下有杨赵水，山侧有桃花洞，花开时灿然如锦。岁大旱，雾罩山巖则雨。山麓距马岑隘口接邢台县界，五代末河东守险之地，遗址尚存。乔宇诗：「两仪判清浊，山水相峙流。上党雄北境，太行界中州。兹岩名以白，崛起良有由。根盘连地轴，千里互周遭。三峰迴罗列，势与恒霍侔。立表不能算，丈尺焉可求。其下俯泉落，其广瞰仇犹。云雨泽万物，四时无愆尤。我本晋冀产，气格山相投。平生所仰止，取号以自修。冉冉壮及老，闲心始获酬。胜日扶杖履，丘壑恣遨游。拾级缘涧磴，褰衣涉溪流。河山一统盛，极览兼穷搜。因思纂国志，何以不见收。遗大捭琐小，世事多谬悠。与客成一笑，呼觴进肴羞。燕齐接近壤，秦蜀互遐陬。吞吐风云壮，指点林壑幽。浩歌坐绝顶，天地同浮沤。」

秦蜀互遐陬。吞吐风云壮，指点林壑幽。浩歌坐绝顶，天地同浮沤。」

皋落山

在乡东七十里皋落村，一各灵山。按左传晋侯使太子申生伐东山皋落氏即此地也。

奇峰山

在皋落村东二里。形类积粟，相传为万粮堆。李愈诗：「皋落奇峰别有天」。即此。

白鹤山

在乡东七十里石龛村。岩下有石作双鹤相雁形。土人传双鹤飞入石，凿石得鹤。

瓮山

在乡东七十里，上有瓮山祠。

鹤度岭

在乡东九十里。北为漫天岭，东为麦穗岭。元好问马岭诗云「仙人台高鹤飞度」即谓此也。

锦绣峰

在乡东鹤度岭。

华庵山

在乡东九十里，峭厉绵亘，若屏若堞，巖殊坦广，土脉可耕，俯视临城，赞皇诸县。若自下仰窥，真半壁天矣！泉水一池，冬夏不竭，名洗头盆。迤北有雾窟，阴

雨则云雾滃然，一名望川楼。

古洞

华庵山之西。路径幽深，石崖可居，常有云气往来，里人赵敏聚徒教授於此。

卧佛岩

在乡东百里孔子岩东。

平定州志

輿地 山川

嶂石岩

在乡东百里，岩水肖乳。乔宇诗：「踏尽林峦千里重，日斜溪寺响疏钟。旧游翻笑入山浅，佳兴非缘对酒浓。」天接太行多爽气，云开皋落见奇峰。巖岩巨壁高千丈，

欲究鸿蒙鬼斧踪。又嶂石岩泉诗：「云窦灵津漱玉真，倒垂苍藓垒龙鳞。山中始见石钟乳，物外况逢花界春。青蹬烟霏微有路，翠岩隳隳净无尘。他年得作观泉叟，策杖东风扣隐沦。」

黄沙岭

在乡东百二十里。山谷袤六十里，东为十八盘。

右，乡东之山。

长寿山

在乡西二十里，下有庞家峪。

陡泉山

在乡西四十里，洞出水出焉。乔宇诗：「石磴参差路颇艰，女郎祠在翠微间。攀林绝巖清秋迥，万壑空山白昼间。仙驾鹿骝常濯濯，灵泓泉响自潺潺。一乡胜迹

堪留咏，高视乾坤豁醉彦。」

大龟谷

在乡西五十里少山下，清漳水出焉。水经注名大要谷，而通志又云武乡东北有横嶺山，即古大要谷。未知谁是，今按大龟谷为大要谷之讹说，见少山下。

横岭

在乡西一百里，山势横截河水。

青莎谷

杨云翼诗：「白水青莎谷，黄云赤土坡。」即此。

右，乡西之山。

松子岭

在乡南四十里。岭北有小松水，又有松溪水。岭下有松峰书院。元左承吕思诚记。罗庄孔氏作书院于三都别墅。近在松子岭下。故曰松峰。孙继鲁诗：「太行松子岭，

天作出群山」。张仲诗：「密密松阴遮岭面，层层山势接云衢」。

荆山

在乡南四十五里。赵壁村东。明志在东平原村。

右，乡南之山。

赤土坡

在乡北里许。

凤凰山

在乡北八里。上建诸神祠，详祠庙。元德明过凤凰山诗：「凤凰闻说似天坛，北去南来马上看。想得松声满山谷，秋风无际海波寒」。

龙安山

百折羊肠，景殊幽丽。乔宇诗：「泉声穿涧小，云影挂松间」。方隅失考。

夹山

载通志，无考。

平定州志

輿地 山川

二十四

右，乡北之山。

孔子岩

在乡东北九十里。有宣圣颜曾像。乔宇诗：「南来太行支，壁立势凌驾。嶢嶢巨岩旁，碧尔开一罅。崇柯冠其巅，奔浪逐其下。遥观若无有，寻丈不相假。我游亦屡

经，将览辄弗暇。今晨值晴景，健兴莫可罢。径仄翳蒙茸，残习积未化。折荆旋扫除，遇险或平跨。上塑宣圣容，虚敞构精舍。石刻纪至元，读之颇自讶。云圣西游时，过此留夙夜。因呼村翁

语，相传匪诬诈。北有孔子里，郊墟接桑柘。岩以夫子名，斯事无异差。乐平古晋疆，上党周流亚。涧道多佶曲，难若登泰华。孔辙想未经，圣迹安能詫。不然载籍中，遗漏耻游夏。千年事渺

茫，欲辨鲜凭茭。谁当破群疑，永定兹山价」。

右，乡东北之山。

板桥山

在乡东南二十里有古石梁，上建观音阁。

棲霞山

在乡东南四十里，一名犀牙，以其形似也。

石梯山

在乡东南六十里，石磴峻绝，以形似名。

水谷山

在乡东南六十里，谷中出水。

横山 在乡东南七十里。乔宇诗：『乐平古封邑，水谷分一都。横山靡其北，风气相环纡。』

古柏岩 在乡东南八十里白岩山北。一名坐化岩。相传有母暨女携一犬坐化其上，人就其遗骨塑像，盖亦一奇事云。宋起凤柏岩夜明诗：『古刹荒山里，人人传夜珠。不须琉璃火绿，自与月光殊。山鬼潜幽壁，蛟龙护一隅。岩空灵气散，久已暗僧厨。』

挂榜山 在皋落村西。

双峰山 在皋落村东南，两峰并峙，秀丽可观。

马岭 在乡东南百里。元好问诗：『仙人台高鹤飞度，锦绣堂倾去无路。人言马岭差可行，此视黄榆犹坦步。石门木落风飏飏，仆夫衣单望南州。皋落东南三百里，鬃毛

衰飒两年秋。』

右，乡东南之山。

得车岭 地形志沾有夹山，予水出，得车岭西北入汾，有汾阳追城。

右，乡西北之山。

平定州志

輿地 山川

二十五

方山 在乡西南十里，林木深秀。

狮子山 在乡西南十五里，以形似名。刘龙诗云：古战雄威未有狮，山形相似更为奇。

少山 在乡西南二十五里，一名揭戾山，又名沾山。福地记云：其高八百丈，清漳水出焉。按水径，清漳水出上党沾县西北少山大要谷。『要』，古要字。通志及县志误作『龟』，云大龟谷，非也。水径注淮南子曰：清漳水出揭戾山，高诱注山在沾县。今清漳水出沾县，故城东北俗谓之漳山。汉分沾为乐平郡治沾县，故晋太康地记曰：乐平县旧名清漳县，汉

之故城。其山亦曰鹿谷山，水出大要谷，南流经沾县故城东，不历其西也。又南经昔阳城。左传昭公十二年，晋荀吴伪会齐师者假道于鲜虞，遂入昔阳。杜注乐平沾县，宋有昔阳城者是也。昔

阳故城在县东五十里。乔宇沾岭诗：绕溪兰芷伴鸱鳧，沾岭重来梦寐俱。上党旧传分野志，清漳新阅浚川图。濯纓调古三秋和，乘槎功高万世须。山畔群山多怪石，何人重向海东驱。又沾岭观清漳诗：『鳌峰千叠到平林，突出招提拥翠岭。花雨夜空天水色，松风时送海潮音。山中芳草春常换，世上红尘老不侵。却笑禅栖非我事，谢公余兴在登临。』又按太行八陁，一轱门陁，

二太行陁，三白陁，四崞口陁。崞口在武安县南三十里，与磁州接界。九和郡县志，磁州崞阳县鼓山，亦名崞山，在县西北四十五里，崞水出焉。泉源涌奋，若釜水之扬，故以崞口名。山岭高深实为险厄。方輿纪要云：崞口为白邠西出之要道，崞口之山与白陁中隔漳水，其山脉自清漳之源乐平县沾岭别而东。五井陉，六飞狐陁，七蒲阴陁，八军都陁。太行之名尤显著，故称太行八

陁。尔雅山绝陁，盖两山中绝以城隘道也。李吉甫曰，太行山者南起于河内，北至幽州，凡有八隘，后史志地理者多本其说。于说门以北，军都以南，诸山概以太行，亦太卤莽矣！知

沾岭为溢口隘之山脉，则知太行八陔各有山脉所自来矣。

石马山 在乡西南三十里。谷中有石马泉、石马寺。

铁佛尖山 在乡西南五十里。东连石马，一名石尖山。

神掌窠 在乡西南。

右，乡西南之山。

石瓮潭 在乡东七十里车寺村东山峡间。广一亩，深不可测。巨石覆其上，天凿孔窍，泉落诸水由此流入，迅疾则由巨石径下。下多白石，壑中胥空洞而碧湍注之。语曰：空窍

者，神明之户牖也。潭侧建贤王庙，栲雨辄应，详祠庙。李溶诗：「潭水深深深无底，风雨来时龙欲起。」周广一亩形如瓮，迅流汇绕山之趾。巨石上覆陡岸绝，碧湍澄注平如纸。贤王庙建潭之侧，有栲辄应灵无比。壑中空窍神明牖，霖泽苍生功可纪。潦尽潭清云影悠，土人报赛良有以。神龙遗迹故非常，可无题咏标邑史。

皋落水 出村之南，南流入鸣水。

杨赵水 在乡东八十里脊岭后，源泉混混下流数里，合石瓮水又数里，悬崖间一窟名「状元窟」。相传金时杨云翼，赵秉文肄业于此，又北流入沾水。

平定州志



輿地 山川

右，乡东之水。

鸣水 出乡西三十里陡泉山，一名陡泉。流经乡南三十里，合石马水北入沾水。

洞涡水 源出陡泉岭，西流合平定州浮化水入寿阳县界，土人名冷泉河。合黑水经榆次东十五里合流村合大涂水，又西五里合原过水，又西南流至太原县北格村，西流于徐沟

入汾。

清漳水 出大要即沾岭之谷也。北流折西南入和顺县界合梁榆水，又经辽州东七十里，又南经黎城县北九十里合黄河，又东入河南涉县境，合浊漳水为漳河。按禹贡蔡注，

清漳出上党沾县大要谷，今乐平县少山也。

右，乡西之水。

松溪水 源出松子岭，西流经平定州境晋盘山下，北流入冶河。

小松水 出松子岭北，至县东合沾水。

水峪水 源出和顺县，经乡水峪村古柏岩下，伏流八十里，出东固壁村，经昔阳城合沾水。

右，乡南之水。

沾

水

源出少山之沾岭，经县北合鸣水，小松水，过昔阳城东北入井陘县冶河。

石马水

源出石马山至乡东北合鸣水。

豫

水

载通志，无考。

右，乡北之水。

附水利

通志，乐平民田胥山坡旱地不能设渠。按县

境皆山，沟浍之间雨集则盈，雨止则涸，无长流

平定州志



輿地山川

二十七

渠道可以疏引，惟静阳村有稻田百余亩，亦潦涸

无常。

乡境八景

蒙山烟雨

蒙山见山川。乔宇诗：『俯瞰荒原一掌中，乱山迢递走西东。路盘绝顶羊肠险，势压层城虎踞雄。』

冉冉轻烟浮远碧，霏霏零雨下空蒙。高墟合是神灵地，

父老年年祀礼同一。

沾水拖蓝

沾水见山川。乔宇诗：『一脉涟漪出远岚，山光云影共拖蓝。春深欲染云衣净，夜久微将月境涵。』

清别泾流同渭水，碧分江派比湘潭。旧时县治今何在，

雉堞茫茫野草旣一。

古寺园林

园林寺见寺观。乔宇诗：『松岭南连铁佛东，园林深拥梵王宫。寒霜不入空门界，灵气常浮法相中。』

花晓客来钟启户，月明僧语雀惊丛。金山玉带谁相赠，

却笑机峰我未通一。

洪水池塘

在乡南十里，旧有温泉，今涸。乔宇诗：『白云芳草寺门前，旧刻寒塘定几年。灵液有春长浸地，碧潭无影远通天。』居存劫火迷空界，路失仙源化福田。

多病不禁尘土甚，更于何处问温泉。

石马寒云

石马山见山川。乔宇诗：「沾岭南来是此峰，峰头云气护寒冬。天低远岫林俱暝，日堕阴崖雪半封。千古按图空作马，万年为瑞合从龙。因占赵地如牛象，

一统河山岂易逢。

昔阳花木

在梵乘寺见寺观。乔宇诗：「三千花界路茫茫，异种人传至昔阳。春入锦帏分五色，香翻罗袖引成行。娇容笑日如倾国，妙舞随风各擅场。谁向洛阳夸独

盛，旧时台榭已荒凉。

松峰积雪

松子岭见山川。乔宇诗：「路透危峰不易登，万松盘互石峻嶒。深岩惯积三冬雪，阴壑犹余六月冰。寒结颓云飞不起，冻穿垂溜湿还凝。朝来因暑心如

渴，欲借冷潭散郁蒸。

皋落奇峰

皋落奇峰二山见山川。乔宇诗：「崑穴峰势出云中，皋落成荒旧堞空。上党地分西晋险，太行山据北方雄。曾知胜迹钟灵气，可是奇形入化工。回首故园刚

数里，放歌怀古意何穷。

平定州志

輿地 山川

二十八

皋落八景

白岩雨候

白岩山见山川。赵敏诗：「数缕晴霞绚碧空，农人瞻望涌云峰。一声霹雳惊山动，万斛珠玑庆岁丰。麦陇如波千顷绿，榴花似火几村红。擎天柱笋还天造，

万古谁知润物功。

杨赵名溪

杨赵水见山川。赵敏诗：「大界恒河浴日清，源从天辟本无情。地中滹泄诸山脉，石里滌湘万籁声。倒浸乾坤空见底，直通江海信无更。几随流水伤人世，

留得余波溉后生。

石瓮惊涛

石瓮潭见山川。赵敏诗：「裂头贯耳疾如雷，滚滚洪涛卷地来。三叠下冲尾闾破，一空上接禹门开。白珠泛泛鲸喷沫，飞溅蒙蒙海作埃。欲识神龙踪迹异，

阴风怒雨动天垓。

华庵震望

华庵山见山川。赵敏诗：「翠屏丹嶂绾西东，皋落峰奇此上风。云谷下倾愁渡客，太行高耸阻飞鸿。洗头盆上仙曾到，吐雾岩前豹又逢。开辟是谁分此秀，

至今山色几青红。

古寨石人

未详所在。赵敏诗：「石人守望在峰头，历尽风霜几万秋。环顾群山俱是堞，独当一面自为楼。人凭地险窥无便，牧迹林深急莫忧。喜际太平无事日，携朋

访古共歌讴。

双洞连云

一曰古洞连云，古洞见山川。赵敏诗：「仰天岩下拥云根，每到春深淑气氤。出岫无心闲伴鹤，升霄作雨猛翻盆。朝来捧日平拖练，霁后连虹远映村。曾向

南山学豹隐，偶同刘阮洞开门。」

嶂石钟乳

嶂石岩见山川，一作文石。赵敏诗：「何人此地苦修真，先占灵源漱俗尘。隐

虹一吸釜，应时唯作万方津。」

曲水汇池

未详所在。赵敏诗：「麻苇田田望处邻，江湖万里似通津。长渠杯转逢人饮，小沼鱼肥下钓纶。莫羨井田堪作义，且随村疇共居仁。兰亭楔侣今何处，鸭鹭

浮沉在水滨。」

平定州志

輿地 山川

二十九

都村 附市集

周官以比閭州党定民之居。管子方六里命之曰暴，五暴命之曰部，五部命之曰聚。聚有市；五聚命之曰乡，四乡命之曰都。自汉以后名聚曰村。至元则改里为图，其实一而已。平定与乐平皆以都统村，孟兼有堡，寿阳则为所，而其乡之宽狭，民居之多寡，道里之远近，籍是可考焉。

州

乡五：中曰近城，东曰阳城，南曰广阳，西曰升中，北曰安平。统都十七，属近城者三：曰

在城、曰东会、曰隅廂。属阳城者二：曰东回、曰营测。属广阳者四：曰尚艾、曰东郊、曰郭村、曰广阳。属升中者二：曰义羊、曰赛兴。属安平者六：曰承天、曰三贤、曰白泉、曰移粮、曰盘石、曰巨城。共统村二百一十二。

按旧志载，村凡二百有三。兹查添

属尚义者五，属治西者二，属苇池者一，凡八村，统计得现村总数。

东会都十一村：南坳村州南六里 常家沟州南八里 西白岸

州东南十五里 西锁簧州南十五里 东锁簧州东南十五里 北庄村州南十五里 梨林头州东南二

十里 岭上村州东五里 东沟村州东八里 王家庄州东八里 磐石村州东十里

隅廂都八村：小峪村州西三里 大峪村州西三里 胡家庄州西五里

平定州志

輿地 都村

三十

河头村州西三里 后沟村州西五里 上庄村州西五里 庙沟村州南五里 北茹村

州西南三十里。

东回都十二村：东回村州东南七十里 瓦岭村州东南五十里 西回

村州东南六十五里 石窑川州东南七十五里 柏井镇州东五十里 固驿铺州东七十里 槐树

铺州东八十里 甘桃铺州东九十里 旧关州东九十五里 柏木井州东六十五里 徐峪沟州东三十

五里 牌岭村州东南五十五里

营测都十一村：营庄村州东南九十里 测鱼村州东南一百三十里 蒿

亭村州东南一百三十里 青阳树州东南一百里 马山村州东南八十里 石门村州东南一百一十里 七

亘村州东南一百里 白城村州东南一百四十里 白灰村州东南九十里 仄谷村州东南一百四十里 木

槽村州东南七十五里

尚艾都二十六村：尚义村_{州南二里}、东庄村、小南

庄、神峪村、天井村、曲曲湾_{以上五村均属尚义}、聂家庄_{州南十里}、苏

村_{州南十里}、冶西村_{州南十里}、园坪、天花池_{以上二村俱属冶西}、冠庄村_{州南八里}

宋家庄_{州南十里}、苇池村_{州西南二十里}、良泚_{属苇池}、后锁簧_{州南十里}、宁艾村

{州南三十里}、新村{州南三十里}、新城村_{州南三十里}、阳胜村_{州南三十里}、范家庄_{州南十里}、苏

子峪_{州南二十里}、南茹村_{州南三十里}、下庄村_{州南三十里}、左家庄_{州南四十里}、后峪

村_{州南四十里}、东郊都二十三村：东郊村_{州东南三十里}、张庄村_{州东南三十里}、陈

家庄_{州东南三十里}、西峪村_{州东南三十里}、立壁村_{州东南三十里}、桃叶坡_{州东南三十里}、上马

方_{州东南二十里}、下马方_{州东南三十里}、马郡头_{州南三十里}、西郊村_{州东二十里}、东白

岸_{州东三十里}、石门口_{州东三十里}、小桥铺_{州东三十里}、桥头_{州东四十里}、土岭头_{州东三十里}

十里、大石门_{州东南十五里}、郭家山_{州东南四十里}、古贝村_{州东南四十里}、谷头村_{州南二十里}

五里、神峪_{州东南三十里}、麻巷_{州东南三十里}、石凹_{州东南三十里}、小口头_{州东三十里}

郭村都九村：郭村_{州西南八里}、苗家庄_{州西南八十里}、曹家庄

{州西南七十里}、冀家庄{州西南十五里}、禹家寨_{州西南八十五里}、南杖村_{州西南八十里}、戏堂村

{州西南九十五里}、夏州村{州西南一百里}、落磨寺_{州西南七十五里}

广阳都十三村：广阳村_{州西南七十五里}、十字堰_{州西南七十里}、顺

化村_{州西南一百里}、裴村_{州西南八十里}、长安村_{州西南八十里}、龙泉村_{州西南六十里}、台泉村

{州西南七十五里}、黄村{州西南八十里}、松曲村_{州西南一百里}、松塔镇_{州西南八十五里}、北头村_{州西南六十里}

{州西南七十五里}、马家庄{州南三十里}、寺村_{州西南九十里}

里十五

平定州志

輿地 都村 三十一

义羊都十四村：义井镇州西十里 大阳泉州西五里 五渡

村州北十里 南庄村州西十里 郝家瀑州北八里 河下村州北五里 白家庄州北五里

乱流村州东北十六里 白羊墅州北五里 路家山州北十里 小河村州北八里 西

峪掌州西二十里 泊里州北五里 义东沟州西五里

赛兴都二十六村：赛鱼村州西三十里 平潭镇州西二十里 石

卜咀州西二十里 西庄村州西二十里 小阳泉州西二十里 蒙村州西四十里 红土坪

西河村州西二十里 前庄村州西三十里 辛兴镇州西四十里 柳渠村州西五十里

桑掌村州西四十里 中上庄州西五十里 保安村州西七十里 佛凹村州西六十里

东西畛州西五十里 测石村州西五十里 坡头村州西四十里 新店镇即旧志汉桥镇 州西六十里

芦葫村州西五十里 高岭村即旧志李盖村 州西六十里 平潭瑙州西二十里 吴家掌

平定州志



輿地 都村

三十二

狼峪村州西四十里 马家坡州西四十里 南山村州西三十里

承天都十村：地都村州东北一百里 娘子关州东北九十里 河北村

会里村州东北五十里 镇里村州东北九十里 坡底村州东北九十里 城西村州东

冯家峪州东北七十里 董寨村州东北五十里 甘桃沟州东九十里

三贤都十二村：三都村州北五十里 荫营村州北四十里 燕龛

中左村州北五十里 杨树沟州北四十里 东瑙村州北四十里 河底镇

苇泊村州北五十里 三川村州北三十里 千亩坪州北四十里 三郊村州北四十里

落姑堰州北四十里

白泉都九村：白泉村州北三十里 杨家庄州北二十里 小西庄

山头村州北三十里 烟里村州北三十里 桃坡村州北二十里 乾河村州西二十里

十五里 冯家庄 州北二里 梁庄村 州北三里

移粮都七村：移粮村 州东三里 上庄村 州东三里 南坪村

州东二里 龙庄村 州东二里 连庄村 州东四里 城子山 州东三里 甘井村 州东十五里

里。

盘石都九村：上盘石 州东四里 下盘石 州东五十里，按二村旧志并为一。

程家庄 州东六里 小串村 州东南七里 小西街 州东八里 张家岭 州东七里

武庄村 州东六里 塔堰村 州东六里 岩会村 州东四里

巨城都十二村：巨城村 州北五里 岳家庄 州东北七里 岔口

村 州东北八十里 石灵台 州东北一百五里 辛庄 州东北五十里 南庄 州东北五十里 黄都岭 州东北一百里

赵家庄 州东北五十里 水峪村 州东北四十五里 郝家庄 州东北九十里 小麻村 州东北五十里 马

平定州志

輿地 都村

三十三

上固 州东北九十里，以上十七都，前载共统村二百一十二村，后查添见于图者凡二百八十八村。

附市集

在城 每逢双日集，二日在东门镇，四日在西门镇，六日在学门镇，八日在东关镇，十日在西关镇，一五日上城集。

东乡柏井

镇 每逢三、六、九日集 西乡平潭镇 每逢三、六、九日集 南乡松塔镇 每逢二、七、日集 张庄

村 每逢三、六、九日集 北乡河底镇 每逢五、十日集 白泉村 每逢二、七日集 岔口镇 每逢四、九日集

乐平乡

乡四：西曰陡泉，东曰仙游，东南曰怀仁，

南曰文苑。统都六：属陡泉者曰在城，曰叔尚。

属仙游者曰昔阳。属怀仁者曰黄岩。属文苑者曰郭庄、曰石马。多志旧陡泉多有巴川都、重兴都。仙游多有民安都。怀仁多有水峪并入。兵燹后巴川并入郭庄、重兴并入叔尚、民安并入昔阳、水

共统村二百一十。

在城都十八村：李夫峪距城三里、杏丹村三里、穆家会

三里平上三里、石亭二十里、任家塄十五里、上庄十里、上思乐三里

下思乐三里、白家疃三十里、河东村一里、瑶头一里、龙凤塄二里

厚庄三里、孔家沟三里、小石坡八里、芦子沟一里、河西村一里

东南乡昔阳都四十八村：王家庄五里、梁家沟三里

李家庄十里、石坪十五里、南沟十五里、安阳岭二十里、安阳沟二十里、黄

龙战二十里、崔凤塄二十里、北界都三十里、达井村三十里、东冶头五十里

平定州志



輿地 都村

三十四

乔家峪六十里、东固壁四十里、西固壁三十里、长岭五十里、东峪六十里、王

家庄六十里、静阳五十里、李家庄八十里、水磨头六十里、葱窝六十里、套

里六十里、孔子村八十里、泥澄口六十里、南营六十里、丁峪七十里、孤石辅

九十里三教河一百里、王得寨九十里、坞钟九十里、松树烟一百里、侯家地

一百里房台一百里、皋落八十里、南庄八十里、车寺七十里、行底烟七十里、民

安里七十里、河下七十里、烟上七十里、平原五十里、官道咀五十里、丰稔五十里

赵庄五十里、东庄五十里、阎庄六十里、陈村五十里

东南乡黄岩都三十二村：青雁头五里、东庄六里、河

南里六里、建都八里、克栲会二十里、南界都三十里、白叶底三十里

瓦邱四十里、黄岩里三十里、黄岩底里三十里、南峪里四十里、凤居里三十里、川口三十里

寨里^{三十里} 西峪^{三十里} 翟絮^{四十里} 路家峪^{三十里} 花峪^{三十里} 赵

壁^{四十里} 南思贤^{五十里} 横山^{六十里} 石龕^{七十里} 口庄^{七十里} 炉子坪

水峪^{八十里} 水深^{九十里} 张家庄^{六十里} 碧霞观^{六十里} 姚居^{六十里}

库城^{七十里} 辅上^{八十里} 圪塔店^{九十里} 西乡叔尚都四十三村：松卫^{五十里} 张曹^{五十里} 小都

红辿^{五十里} 七截^{六十里} 庄窝^{七十里} 西五泉^{七十里} 东五泉^{七十里}

司家沟^{六十里} 宋家沟^{六十里} 寨里^{六十里} 阎庄^{七十里} 联丝^{六十里} 寺上

武家庄^{六十里} 安家庄^{六十里} 店上镇^{五十里} 半峪^{五十里} 横河

猛彪^{四十里} 太寒村^{五十里} 小寒村^{五十里} 坡底^{五十里} 胡凤^{五十里}

土盆^{七十里} 尧村^{七十里} 安奉^{八十里} 贾家庄^{一百里} 圈峪沟^{一百里} 西

隅沟^{八十里} 鸣水头^{七十里} 花泉^{一百里} 理丝^{一百里} 横岭^{一百里} 北榆

南榆^{一百里} 北马房^{一百里} 干俞^{一百里} 子平村^{九十里} 上许庄

下许庄^{九十里} 黑坪^{一百里} 红咀^{一百里} 西南乡郭庄都四十五村：孟壁^{十五里} 郭庄^{二十里} 园

子沟^{二十里} 东沟^{二十里} 长身岭^{二十里} 桥烟^{十五里} 武家坪^{八里} 杜

麻黄会^{二十里} 峪沟^{二十里} 梁家山^{四十里} 南冶头^{四十里} 车

道沟^{六十里} 回黄^{六十里} 三都^{四十里} 罗庄^{四十里} 旭杏口^{五十里} 麦山

巴州村^{八里} 寺家庄^{十三里} 秦山^{十五里} 南掌城^{三十里} 北

掌城^{三十里} 讲堂^{二十里} 三庄头^{二十里} 温家庄^{三十里} 库屯^{三十里} 杏

赵家庄^{三十里} 孔家掌^{二十里} 司家沟^{二十里} 安平^{八里} 鹿

平定州志

輿地 都村 三十五

家峪 十二里

白村 十三里

毛家沟 十五里

台沟 二十里

老和尚凹 二十五里

梁庄 十二里

南沟 十二里

杨家坟 二十里

吉家峪 二十五里

殷家庄 二十五里

武家庄 二十五里

崇家岭 三十里

李家沟 三十里

南乡石马都二十四村：

钟村 一里

树条峪 三里

刘

庄 五里

刘洪坡 八里

赵家沟 三里

阎家庄窝 八里

桥上 十里

土

巷 二十里

井沟 二十里

落雁头 五里

洪水 八里

南峪 八里

秦宫 十里

蒙家峪 十五里

桑园 二十里

潘家掌 二十五里

黑峪 二十里

蔡地沟 四十里

马村 二十里

马家沟 二十里

北亩村 十五里

田家疃 二十里

寺沟口 十八里

学堂沟 二十五里

平定州志



輿地 都村